

COMUN: Al vëgn lascé al savèi ch'al vëgn indô formé na gradatöra por assegné terac por le fabriché alisiré. Les domandes de amisciun é da dé jö tl secretariat de Comun cina ai 08.03.2021. Informaziuns plü avisa é da ciafé tl secretariat de Comun pro la secreteria, i formulars por la domanda pó gní desciariá dala plata internet de Comun o damaná do tl secretariat de Comun.

SAN MARTIN

Al vëgn indô perié dër bel do Osta **oferta por scialdé la dljia y la calonia** che vëgn trata ite cun l'oferta pro la mëssa dla sabeda sèra y dla domènia (6 y 7/02).

Bel dilan dles ofertes che é ciamó rovades pormez en recordanza de
+ Rita Rubatscher Verginer da Paul Planatscher y da Pasquale Conrater.

La Uniun di Seniors da San Martin y d'Antermèia organisèia les lites por lité danü la junta (Aussschuss) dla uniun. Por gauja de Covid ne pó chësta lita nia gní fata te na indunada. Mo al gnará metü fora na scatora te dljia olache vigni senior/a pó dé jö sua usc cun la cherta che ti é gnüda menada a düc por posta. Les usc pó gní dades jö dala domènia 31 de jená cina ala domènia 7 de forá 2021. Sce zacai sura i 60 (senior) ne ess nia ciafé la cherta da lité y oress tó pert ala lita, pó la ciafé da Alfred Ploner 333 36 54 786 por San Martin y da Maria Sottrovisch 338 17 51 839 por Antermèia. Dilan de Osta partezipaziun ala lita.

Resultat dl Quiz por la Domènia dla Bibla publiché tla ultima plata:

I) c; II) b; III) b; IV) a; V) c.

Döt le bun a chi che complësc i agn de forá

a San Martin siur Heinrich Perathoner che nen complësc 80 ai 11
Otilia Dapunt Pedevilla che nen complësc 86 ai 16
Oliva Winkler Vanzi che nen complësc 84 ai 18
Sepl Frenner che nen complësc 83 ai 19
Anna Pedevilla Planatscher nen complësc 83 ai 24

a Lungiarü Gino Liotto che nen complësc 88 ai 2
Albino Dejaco che nen complësc 81 ai 6
Severina Costa che nen complësc 90 ai 7



Caranta dis do Nadé tēgn la Dljia la festa olache Gejú vëgn condüt tla ciasa de so Pere. Al vëgn adalersch le Salvatur tl santuar de so popul. Al s'ademplësc ci che la jënt s'á pordërt dagnora audé: Gejú, la lôm, vëgn a desfanté le scür de nosta vita. A dōta la jënt ti vëgnel pité salvëza y varijun. Dōes porsones vedles, Simeon y la profetëssa Ana, pó odëi cun sù edli ci che les Sacres Scritōres á bele dadí impormetü: che Idí ti vëgn adincuntra ala jënt y s'un tol sura de èra. I orun ince nos se daurí ala lôm che s'tlarësc le scür tl monn. En chësta festa orunse insciö se recordé tla oraziun de chës porsones, èi y ères, che ti á consacré y ti dedichëia súa vita a Idí, tl sorvisc tla Dljia y por la jënt.



Plata dles Ploanies San Martin y Lungiarü



siur ploan Klaus Sottsas 344 15 54 055 - klsottsas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

31.01. - 07.02.21 nr. 10

4^a DOMÈNIA ia por l'ann B

Vangele do Merch 1,21-28

A Cafarnaüm ê Gejú jü le dé de sàbat tla sinagoga y â metü man da insigné. Y la jënt se fajô demorvëia de so insegnamënt; deach'al ti insignâ sciöche un che à autorité, y no sciöche i studià dla lege.

Te súa sinagoga êl sentè n'êl che ê impossessè da n' spirit impur. Chël à metü man da scraie: unse pa nos da fâ cun tè, Gejú da Nàzaret? Este gnü a nes parè tla roina? I sa chë che tö es: le Sant de Dî.

Dailò l'à Gejú comanè: Scuta y lāscele!

Le spirit impur, stracian chël êl ia y ca,
l'à lascè cun n' dër scraiamënt. Dailò s'â
düc spordü, y ai se damanâ un l'ater:

Ći é pa chësc? N' insegnamënt nū, incundé
cun autorité! Cīnamai i spiric impurs ti olga
a so comane. Y so inom se slariâ fora debota
te döt le raiun dla Galilea.



*Can s'unse pa fat l'ultimo iade demorvëia, can él pa sté na porsona
che nes á fat na gran impresciun ch'i ne s'essun nia aspeté?
I mituns é ciamó bugn da se fá demorvëia, mo nos gragn stentun bëgn n pü'.*

Gejú â na maniera da baié y da fá, che incantâ la jënt.

*„Co sciafia pa le fi dl zumpradú da baié insciö? se damanâ i ascutadus.
Y ai s'â cinamai spordü da odëi ci ch'al é bun da fá.*

*N' fanaticher che é fissé te súa idea é Gejú sté bun da destó da sűes fissaziuns
y ti á indó dé la liberté.*

*Chël che se lascia ite sön Gejú pó sintí che les liadōres, che le tēgn lié, lascia ia,
ch'al é bun da se fá lēde da ci che le condizionëia, ch'al mēt man da vire danü.*

*I orun imparé da se fá indó demorvëia, de Chël Bel Dî y dl monn,
y dl gröm de poscibilités che Chël Bel Dî nes tēgn davertes te nosta vita.*

EDEMA	SAN MARTIN	LUNGIARÜ	 I orun tigní imënt la vita de nosc Sant Ojöp Frëinadamez é nasciü ai 15 d'aurí 1852 sö Oies. Do i agn de scora a Badia él jü a studié a Porsenú, impröma tl Kassianeum spo tl Seminar. Bele tratan le stüde a Porsenú se dêl jö cun le pinsier da diventé miscionar. Do la consacraziun da prou, ai 25 de messé 1875, él rové por dui agn dal 1876 al 1878 sciöche caplan y maester a San Martin. La jënt l'â dêr ion y ince ël ne s'la desmentiará nia, sciöche i podun lí te sües lètres. Al s'â defata metü en contat cun Arnold Janssen, le fondadú dla sozieté miscionara de Steyl (SVD). Cun la lizënza dl vësko á Ojöp lascé d'agost 1878 la diozeja da Porsenú y é jü a Steyl. Ai 2 de merz 1879 ál cialfé la crusc dles misciuns y s'á spo metü cun n ater miscionar jö Ancona söl iade ia por le mer tla direziun dla Cina. Do 5 edemes de iade ési rová a Hongkong olach'ai s'á arjigné ca por dui agn al laur tla misciun. Ai ê gnüs destiná por la provinzia de Süd-Chantung cun 12 miliuns de abitanc che n'á nia deplü co 158 cristians. Por le miscionar jonn ál metü man n tēmp plēgn de dificultés, de scintinaries, de renunzies, de prighi, de porsecuziuns y de maraties. Mo Ojöp ne lasciâ nia ia y s'á davagné la simpatia di cinesc ch'al â stlüt ite te so cör. Al ti dê n gran valor ala formaziun di tröc credēnc che s'â convertí y al â metü adöm n catechism cinesc. Al ti stô dêr do ala preparaziun y ala formaziun di proi y miscionars cinesc. Gnanca ti tēmps de porsecuziun ne n'ál tralascé sù fedei. Tla dediziun a so sorvisc zënza se sconé s'ál taché le tifus da chël ch'al é mort ai 28 de jená 1908. Frëinadamez â imparé da conēsce, da aprijé y da ti orëi bun ai cinesc. Al inviâ sù cristians da se daurí cun solidarité ai atri. Döta süa vita ê la realisaziun concreta de so dit: «Le lingaz su che vignun capësc é l'amur.»
31.01.2021 4ª DOMËNIA - Ann B <i>Giovanni Bosco</i>	<i>Festa de Sant Ojöp da Oies</i> 9.00 Corona + Rita Rubatscher Verg. 9.30 Mëssa solëna por la Comunità en onur de Sant Ojöp da Oies por fam. Pepi Videsott + siur Vito Rubatscher en onur de San Giovanni Bosco <i>Oferta por scialdé la dljia y la colonia</i>	<i>Festa de Sant Ojöp da Oies</i> 7.55 Corona 8.15 Gran Mëssa por la Comunità en onur de Sant Ojöp da Oies	
01.02.21 Lönesc <i>Brighita, Giovana</i>	15.00 Mëssa tla capela da Frëina por vis y def. dla Vijnanza da Frëina		
02.02.21 Dedolönesc Presentaziun dl Signur <i>De dla vita consacrada</i>	19.00 Mëssa Benedisciun dles ciandëres Benedisciun de San Blaje + Rita Rubatscher Verginer por les Animes arbandonades	7.30 Mëssa ++ Milio y Maria Sorà Benedisciun dles ciandëres 14.15 Benedisciun de San Blaje por mituns y mitans	
03.02.21 Mercui <i>Blaje, Simeon y Ana</i>	14.15 Benedisciun de San Blaje por mitans y mituns	7.30 Mëssa - Bened. de San Blaje + Sepl Rives por les püres Animes	
04.02.21 Jöbia <i>Rabanus Maurus, Gilbert</i>	7.30 Mëssa ++ Tolpeit da Ju vis y def. Conti y Monti Corona por vocaziuns		
05.02.21 Pröm vëndres <i>Ingenuin y Albuin, Agata</i>	Domisdé: Provijiun di amará 18.30 Adoraziun chîta 19.00 Mëssa + Maria Dapunt Erlacher ++ Sciandro y Loise Dasser	7.00 Adoraziun - 7.30 Mëssa + Nando Clara ++ de Vanc dedô: Provijiun di amará	
06.02.21 Sabeda <i>Paul Miki y Comp., Dorotea</i>	17.30 Mëssa prefestia (<i>cun siur Klaus</i>) de reng. fam. Hubert y Emma Prousch dl ann + Giovanni Pescoller dl ann + Artur Conrater + Giovanni Flöss (dl ann) + Clara Frenner Zingerle (dl ann) ++ Albert y Maria Teresa Sottsas <i>Oferta por scialdé la dljia y la colonia</i>	19.00 Mëssa prefestia (<i>siur Klaus</i>) de reng. fam. Hubert Pezzei dl ann + Franz Pezzei, Ghestan dl ann + Serafin Canins	
07.02.2021 5ª DOMËNIA - Ann B <i>De dla Vita</i>	9.00 Corona por vocaziuns 9.30 Gran Mëssa por la Comunità por les families dl ann + Ida Clara Verginer vis y def. fam. Alfred y Carla Verginer <i>Oferta por scialdé la dljia y la colonia</i>	7.55 Corona 8.15 Gran Mëssa por la Comunità	